



Australian Government

ইসলামোফোবিয়া মোকাবিলা করা

ইসলামোফোবিয়া প্রসঙ্গে বিশেষ দূত উত্থাপিত জাতীয় প্রতিক্রিয়ার প্রতি অস্ট্রেলিয়ান সরকারের প্রতিক্রিয়া

‘অস্ট্রেলিয়াতে ঘৃণা ও সহিংসতার কোনো স্থান নেই। আমরা ইসলামোফোবিয়া নির্মূলে সবকিছু করব।’

- অস্ট্রেলীয় মুসলমানরা অস্ট্রেলিয়ার সামাজিক, অর্থনৈতিক ও সাংস্কৃতিক জীবনে দীর্ঘস্থায়ী অবদান রেখেছেন। ইউরোপীয় বসতি স্থাপনের আগে থেকেই অস্ট্রেলিয়ায় মুসলমানদের উপস্থিতি রয়েছে।
- মুসলিম সম্প্রদায় অস্ট্রেলিয়ায় অনস্বীকার্য অবদান রেখেছেন। ততসত্ত্বেও, অস্ট্রেলীয় মুসলমানরা ভয়, ভুল তথ্য এবং অতীতের একপেশে ভাবের কারণে সৃষ্ট পক্ষপাতমূলক বিদ্বেষ ও সন্দেহের সম্মুখীন হচ্ছেন।
- মুসলিম-বিদ্বেষী ঘৃণা সামাজিক সংহতিকে দুর্বল করে এবং পুরো সম্প্রদায়ের ক্ষতি করে।

অস্ট্রেলীয় সরকারের প্রতিক্রিয়া

- অস্ট্রেলিয়ান সরকার ইসলামোফোবিয়া মোকাবেলায় অস্ট্রেলিয়ার বিশেষ দূত জনাব আফতাব মালিককে ধন্যবাদ জানায়, তার প্রতিবেদনের জন্য, *ইসলামোফোবিয়ার জাতীয় প্রতিক্রিয়া: অন্তর্ভুক্তি, নিরাপত্তা এবং সমৃদ্ধির জন্য একটি কৌশলগত কাঠামো (ইসলামোফোবিয়ার জাতীয় প্রতিক্রিয়া)*। সরকার অস্ট্রেলিয়ায় ইসলামোফোবিয়া নির্মূলে জনাব মালিকের চলমান কাজের জন্যও তাকে ধন্যবাদ জানায়।
- সরকার সুপারিশগুলোর প্রতিক্রিয়ায় একটি সার্বজনীন সরকারি প্যাকেজ আকারে নতুন পদক্ষেপ নিচ্ছে। এই পদক্ষেপগুলো ইসলামোফোবিয়া এবং মুসলিম-বিদ্বেষী ঘৃণা মোকাবিলার জন্য সরকারের বিদ্যমান কাজের ওপর ভিত্তি করে নেওয়া হয়েছে।
- বিশেষ দূতের ইসলামোফোবিয়ার জাতীয় প্রতিক্রিয়ার চারটি মূল বিষয়ের সাথে সামঞ্জস্য রেখে, সরকার নিম্নলিখিত বিষয়গুলো বাস্তবায়ন করবে:

শিক্ষা এবং সচেতনতা

- ইসলামোফোবিয়া শিক্ষা টাঙ্কফোর্স এবং একটি চলমান সামাজিক সংহতি শিক্ষা উপদেষ্টা পরিষদ প্রতিষ্ঠা করা
- জাতিগত ও ধর্মীয় সহনশীলতা শক্তিশালী করার সুযোগ চিহ্নিত করতে অস্ট্রেলীয় পাঠ্যক্রম পর্যালোচনা করা
- স্কুলগুলোর জন্য একটি সামাজিক সংহতি কাঠামো তৈরি করা
- অস্ট্রেলিয়ান মুসলিম বিষয়ক একটি গবেষণা প্রতিষ্ঠান স্থাপন করা
- সংসদ সদস্য, অস্ট্রেলিয়ান পাবলিক সার্ভিস এবং আইন প্রয়োগকারী, বিচার ও আইনি পেশাজীবীদের জন্য প্রশিক্ষণ ও পেশাগত উন্নয়নের সম্পদ তৈরি করা।

সুরক্ষা এবং সহায়তা

- প্রাইমারি হেলথ নেটওয়ার্কগুলোকে লক্ষ্যনির্দিষ্ট তহবিল প্রদান করা, যাতে মুসলিম সম্প্রদায়ের সংগঠনগুলো সুস্থতা ও স্থিতিস্থাপকতা উদ্যোগে সহায়তা করতে পারে।
- মুসলিম নারী, যুব এবং মুসলিম সংগঠনগুলোর অংশগ্রহণ, নেতৃত্ব এবং সক্ষমতা বৃদ্ধির জন্য অনুদান প্রদান করা।

সামাজিক সংহতি গড়ে তোলা

- ক্রীড়া অনুষ্ঠান, সম্প্রদায় ও আন্তঃসাংস্কৃতিক সংযোগ অনুষ্ঠান, সৃজনশীল কাজ এবং শিক্ষামূলক উদ্যোগকে সমর্থন করার জন্য অনুদান প্রদান করা।

জবাবদিহিতা এবং দায়িত্ব

- অস্ট্রেলিয়ান ফেডারেল পুলিশ (AFP) কমিউনিটি লিয়াজোঁ টিমগুলোর সম্প্রসারিত করা, যার মধ্যে একটি যোগাযোগ পোর্টাল স্থাপন অন্তর্ভুক্ত
- AFP সামাজিক সংহতি পরামর্শক বোর্ড গঠন করা, যাতে ঘৃণা-ভিত্তিক অপরাধ এবং ইসলামোফোবিয়া সহ সামাজিক সংহতির চ্যালেঞ্জগুলো মোকাবিলায় বিশ্বাস, জবাবদিহিতা এবং সম্প্রদায়-ভিত্তিক পদক্ষেপগুলোকে শক্তিশালী করা যায়।
- এই নতুন পদক্ষেপগুলির প্যাকেজটি ইসলামোফোবিয়া মোকাবেলার জন্য একটি টেকসই, দীর্ঘমেয়াদী প্রচেষ্টার অংশ, যা বিভিন্ন সুপারিশকে এগিয়ে নিয়ে যায়। অস্ট্রেলিয়ান সরকার বিশেষ দূত এবং অস্ট্রেলিয়ান মুসলিম সম্প্রদায়ের সাথে একত্রে অবশিষ্ট সুপারিশগুলোর ওপর কাজ চালিয়ে যাবে।

সবাই সাহায্য করতে পারে

- ইসলামোফোবিয়া মোকাবিলা করা একটি সম্মিলিত জাতীয় দায়িত্ব।
- যদি আপনি ঘৃণা, বর্ণবাদ বা পক্ষপাতমূলক বিদ্বেষের সম্মুখীন হন বা প্রত্যক্ষ করেন, তবে **দৃঢ়ভাবে উঠে দাঁড়ান; কথা বলুন; এবং এটি রিপোর্ট করুন**। যখন আপনি রিপোর্ট করবেন, তখন আপনি সেই আচরণটি অব্যাহত থাকা বা বৃদ্ধি পাওয়া থেকে থামাতে সাহায্য করতে পারেন। আপনি আমাদের সমাজ থেকে ঘৃণা, বর্ণবাদ এবং পক্ষপাতমূলক বিদ্বেষ দূর করার একটি বৃহত্তর আন্দোলনের অংশ হয়ে ওঠেন।
- জরুরি বা জীবন-হুমকিপূর্ণ পরিস্থিতিতে, ট্রিপল জিরো (000)-এ কল করুন এবং পুলিশের সাহায্য চান। যদি তাৎক্ষণিক কোনো বিপদ না থাকে, তবে পুলিশ অ্যাসিস্ট্যান্স লাইনে (131 444) কল করুন অথবা ক্রাইম স্টপার্স (1800 333 000)-এর মাধ্যমে বেনামে রিপোর্ট করুন।
- ঘৃণামূলক কর্মকাণ্ডের রিপোর্ট করা হলে কর্তৃপক্ষ স্থানীয় এলাকার আচরণের ধরন বুঝতে পারে, যাতে তারা সবার জন্য একটি নিরাপদ সম্প্রদায় গড়ে তুলতে পারে। ঘৃণামূলক অপরাধ বা ঘটনার রিপোর্ট করার বিষয়ে আরও তথ্য ডিপার্টমেন্ট অফ হোম অ্যাফেয়ার্স-এর ওয়েবসাইটে পাওয়া যাবে, সেইসাথে ভুক্তভোগীদের জন্য সহায়তা পরিষেবার যোগাযোগের তথ্যও সেখানে রয়েছে: ঘৃণামূলক কর্মকাণ্ড মোকাবিলা করা।
- আপনি যদি কোনো ঘৃণামূলক অপরাধ ঘটতে দেখেন বা সন্দেহ করেন, তবে ২৪-ঘণ্টার ন্যাশনাল সিকিউরিটি হটলাইনে কল করুন এই নম্বরে 1800 123 400.

সহায়তা পরিষেবা

- মানসিক আঘাতের ঘটনা এবং/অথবা অভিজ্ঞতা উল্লেখযোগ্য মানসিক কষ্টের কারণ হতে পারে; প্রয়োজনে সহায়তার জন্য যোগাযোগ করা গুরুত্বপূর্ণ। আপনি যদি মানসিক কষ্টের সম্মুখীন হন, তবে আপনি যে কোনো সময় 13 11 14 নম্বরে Lifeline-এর মাধ্যমে পরামর্শ চাইতে পারেন, 0477 13 11 14 নম্বরে টেক্সট করতে পারেন, অথবা তাদের অনলাইন ক্রাইসিস চ্যাট পরিষেবার মাধ্যমে Lifeline Crisis Chat-এ যোগাযোগ করতে পারেন।

‘প্রতিটি অস্ট্রেলীয়, জাতি বা ধর্ম নির্বিশেষে, কোনো পক্ষপাতমূলক বিদ্বেষ বা বৈষম্য ছাড়াই অস্ট্রেলিয়ায় নিরাপদ, স্বাগত ও অন্তর্ভুক্ত বোধ করতে সক্ষম হওয়া উচিত।’